

(10) RUNYANKOLE /RUKIGA LEAFLET ON WHY DID JESUS CHRIST

HAVE TO DIE?

ABASHEEMWE OMURI YESU

EBIKURU NAMAZIMA GA BAIBULI

AHABWENKI KYASHEMEREIRE YESU KRISTO OKUFA?

OKUSHOMESA KWA BAIBULI AHA KUCUNGURWA

Kworamare okushoma akatabo aka noza kumanya eky'okugarukwamu omubibuzo ebi:

2. Ahabwenki abantu bafa?
3. Ahabwenki Yesu yafire
4. Nshemereire kukoraki nkajunwa kuruga omukufa kandi okufa kwa Yesu Kristo nikujuu kuta?

Tushemereire kugamba ow'omuhangi waitu, twaba nitwenda okwetegyereza amazima ahamagara hamwe n'okufa. Ruhanga nagarukamu ebibuzo byaitu omukigambo kye, Baibuli.

1. Ahabwenki abantu bafa?

Adamu akahangwa obu "Mukama Ruhanga yaahanga omuntu omumucuucu gw'ahansi; yamuhuuha omunyindo omwitsyo gw'amagara, omuntu yaba ohuriire" (Okutandiika 2:7). Haawa owahindikire muka Adamu, akahangwa obu "Ruhanga yaiha orubaja rumwe okuruga omuri Adamu, okuba omukazi" (Okutandiika 2:21,22). Okuruga omukutandiika, Ruhanga akaha omushaija n'omukazi okweshariraho? Bakaba nibabaasa kusharaho ahagati y'okworebera ebiragiro bya Ruhanga nari obutabyorobera (okushiisha). Ruhanga akaba nabaasa kuragira Adamu na Haawa kumworebera. Kwonka ekyo kihakire kita Ruhanga ekitinisa. Abazaire bashemererwa obu abaana babo babakunda kandi bakabahurira. Ruhanga natwaza omumuringo nigwo gumwe, omuri itwe abaana be.

Nayenda gu twesharireho tumuhurire kandi tumukunde. Nikyo yaherire Adamu na Haawa obugabe bw'okweshariraho. Kuyaherize kuta Adamu na Haawa omukibanja kya Edeni, Ruhanga akabaha ebiragiho: "Omuti gwona ogw'omukibanja noikirizibwa kuryaho nk'oku orikwenda, kwonka omuti gw'okumanya oburungi n'obubi otariguryaho, ahabwokuba ezibooba eri origuryaho, buzimazima oryafa"

(Okutandiika 2:17). Eky'obusaasi, Haawa akohibwa. Akarya ekijuma ky'omunti kandi yaha na Adamu nawe yarya. Aho bakahenda ekiragiho kya Ruhanga. Tibarasibireyo bayega eishomo rikuru ku:

Ruhanga narinda ekigambo kye. Ekyarugire omukugoma kwa Adamu kuba kuri ngu, "ebi orirya biryakutuutura aha maisho, okuhisya obu origaruka omwitaka, ahakuba nimwo waihirwe ahabw'okuba ori omucuucu, n'omucuucu nimwo origaruka (3:19). Adamu akacwerwa okufa. Nikyo abantu bafeera. Nk'oku abantu boona bakomokire ahamuntu omwe, Adamu, tukahungura omubiri gwe. Twena nitufa. Amazima agarigo, nigashangwa omubaruha eyahandikirwe Abaroma. "Nkoku ekibi kyaizire omunsi ahabw'okushisha kw'omuntu omwe, kandi kitarugamu okufa, nikwo n'okufa kwabugire omubantu boona ahakuba boona bakashiisha" (Abarooma 5:12).

"Ebihembo by'ekibi n'okufa" (Abarooma 6:23). "Boona bakashiisha tibarikuhika ha kitiinisa kya Ruhanga" (Abarooma 3:23).

2. Ahabwenki Yesu yafiire?

Baibuli netwegyesa ngu Ruhanga tahinduka kandi ahikiriza ekigambo kye. Okufa kukaizira abantu boona aha bw'ekibi kandi kutuba turi ahakuzika tuba nituhamya amazima aga. Tihariho ekitwakubaasa kukora okusingura ekibonerezo ky'okufa. Kwonka Ruhanga oyihireho eki; Ruhanga n'owembabazi otarikwenda ngu abantu bahwerekyerere, baitu ngu babagane nawe amagara agatahwaho omubukama bwe. Amagara n'okufa kwa Yesu Kristo nikyo kyabasise omugisha ugu. Oku nikwo Ruhanga yakunzire atyo ensi, akahayo omwana we nyamunegyere: Akaija kujuna abantu kuruga omukibi hamwe n'okufa.

Yesu akaba ari omwana wa Ruhanga kwonka akaba ayine nyina omubuntu, nuwe Mariamu. Okuruga omuri nyina, akajwara omubiri nkaitwe. Akohibwa kugomera Ruhanga – nikwo kushisha. Kwonka ahabw’okuba akaba nakundira kimwe Ishe akorobera ebigambo hamwe n’ebiragiro bye, tarasisire, kandi akafa atine kibi, nuwe omuntu orabaireho okuhikiriza eki. Adamu ekiyahenzire, kikakizibwa Yesu obu yasingura ekibi hamwe n’okufa – Yesu akafa abaase kujuna abantu kuruga omubibi byabo. Oku nikwo kwabaire kuri okukunda kwa Yesu ahabwa Ishe, hamwe naitwe, okwehayo nk’ekitambo ayekundire. Akafa n’busaasi bwingi ahamusharaba. Akehayo kuha amagara ge ahari bwanywani be. Akaba ohikiriire.

Abyahandikirwe bingi omu Baibuli nibihamya amazima agarimu. 1 Petero 1:18,19. “Timuracunguzibwe ebintu ebihwaho, kureeka Kristo akabacungura n’eshagama ey’obuguzi bwing, nk’omwana gw’entaama ogutaine kamogo n’oburyakuba eibare”.

Abaheburayo 9:26 “Yesu” akareebeka rimwe yaaheza ngu abone kwihaho ebibi ahabw’okwehayo kuba ekitambo.”

1 Petero 3:18 – “Kristo akabonabonesibwa rimwe ahabwebibi yaheza, ohikiriire ahabwabatahikiriire ngu atureete ahari Ruhanga”.

1 Abatesalonika 5:10 “Akatuferu ngu tugume nawe turi abahurire.”

Tikirikutangaza ahakuba akagira ati: “Ogu n’omwana wangye ou nkunda, kandi ou nyesiimira munonga. “Mumuhurire” (Matayo 17:5) Nikituyamba okwetegyereza Petero obu yagamba ngu: “Tihariho ondijjo ou twakuboneramu okujunwa, ahakuba tihariho rindi eiziina ahansi y’eiguru eryahairwe abantu, erishemereire kutujuna” (Ebyakozirwe 4:12).

Obusinguzi obwa Yesu aha bibi n’okufa hamwe n’okuzooka kuruga omubafu nibyo bintu bikuru omubyabaireho omunsi. Ruhanga yaturaganisa ngu abantu boona

abarikiririza omuri Yesu nk'omujuni waabo kandi bakamukuratira namagara gaabo baryabagana nawe obusinguzi bwe. Nabo baryahindurwa emibiri yaabo kuruga omukufa bagire emibiri etarikufa. Baryahindurwa babe nka Kristo. Eki kiryabaho kwarigaruka omunsi kutaho obukama bwa Ruhanga.

3. Nshemereire kukoraki nkajunwa?

Tushemereire kubanza twaba abesigwa aharubaju rwaitu. Twine okusiima Ruhanga omushara zaitu, turikumugambira kuturi abasiisi kandi kutarikubaasa kwejuna. Yesu arikutandiika obuhereza, akegyesa abeegi be: “Baine omugisha abooro omumutima, ahabw’okuba abo obukama bw’omwiguru n’obwabo (Matayo 5:2). Omworo omumutima nikimanyisa okuba omucurezi, okumanya eki Ruhanga arikutwenza hamwe n’okusaasira kwe.

Tushemereire kumanya oku Ruhanga yakutujuna kuruga omubibi arikurabira omu mwana we. Eki nikibasika waba noshaba, orikushoma Baibuli kandi orikuteekateeka ahabigambo biwashoma omukigambo kya Ruhanga.

Okumanya okuturikwihamu kushemereire kukwata aha mitima yaitu, tubaase kuba abantu abarikuyayana kuba nka Yesu. Eki kyabaho, tubatizibwe omumaizi nkakamanyiso karikworeka ngu buzimazima twikirize amagara n’okufa kwe eiturikubaasa kujunirwa. Yesu akatugira ngu aha niryo eitembezo rikuru ryabeegi abesigwa (Mako 16:16). Ekyahamuheru amagara gaitu gashemereire kuba nk’ag’abeegi ba Yesu abesigwa – turikukuratira emicwe ye omuri byona ebiturikukora.

Twakora ebi byona, Yesu aryatwakira kwarigaruka n’ebigambo by’omuhendo ebi:

“Mwije, imwe abu tata yahaire omugisha, muhungure obukama obwabatekateekyeirwe okuruga aha kuhangwa kwensi” (Matayo 25:34).

Tumanyise waba nonda kumanya ebirikuraho ahari ebi hamwe nenyikiriza zabaisheemwe omuri Kristo, nari noyenda obutabo obundi. Buza abaisheemwe omuri Kristo abakuri haihi nari handiikira;

CHRISTADELPHIAN BIBLE MISSION

404 Shaftmoor Lane, Birmingham B28 8SZ, UK

OR

CHRISTADELPHIAN (REGIONAL OFFICE – MBARARA)

P.O. Box 885.

